

Osterøy Kommune
Postboks 1
5293 Lonevåg

Referanser:
Dykkar:
Vår: 23/3 - 23/8382

Saksbehandlar:
Mette Lillejord Mjelde
mette.lillejord-mjelde@osteroy.kommune.no

Dato:
17.04.2023

4/147 - Osterøyvegen 905 og 907 - Melding om tildeling og pålegg om skilting av offisell adresse

I forbindelse med tildeling av adresse til ambulansestasjon vart adressa til brannstasjonen omadressert frå Osterøyvegen 935 til Osterøyvegen 907.

Det er gjort fylgjande vedtak i medhald av Matrikkellova av 17.06.2005 med forskrift:

Vedtak om ny adresse – Eigedomen gnr/bnr: 4/147 skal ha fylgjande offisielle adresse:

Osterøyvegen 905
Osterøyvegen 907

Adressa vert gjeldande 4 veker etter vedtaksdato. Adressa vert oppdatert automatisk i offentlege register gjennom Folkeregisteret. Firma må melde frå om adressetildelinga i Føretaksregisteret. Har du bustadnummer frå før vil dette verte uendra.

Heimelsgrunnlag for vedtaket

Det er kommunen si oppgåve å tildele eller endre offisielle adresser langs offentlege og private vegar, sjå matrikkellova §21, og matrikkelforskrifta §§50 og 52. Osterøy kommune si adresseforskrift av 02.10.2013 regulerer m.a. når det er føremålstenleg å oppretta ein eigen adresseparsell og skilting. Adressenamn er tildelt i tråd med lov om stadnamn.

Adresse, adresseparsell og adresseeining

Ei offisiell vegadresse består av eit vegnamn, eit husnummer, og av og til eit bustadnummer (*f.eks. H0201. Bustadnr. inneheld ein bokstav pluss fire tal. Bokstaven fortel om husværet ligg i ein Hovedetasje, Loftsetasje, Underetasje eller Kjellaretasje. Bokstaven og dei to første tala seier kva etasje inngangen til husværet ligg i. Dei to siste tala er husværet sitt nummer i etasjen, rekna frå venstre med klokka når ein kjem inn/opp/ned adressert hovudatkomst.*) Ei adresseeining er ein bustad, fritidsbustad, eit nærings- eller kontorlokale eller eit anna adresseverdig bygg/tomt som skal adresserast til vegen bygningen har

hovudtilkomst frå. Er det fleire bueiningar med eigen ytre inngang (t.d. ei kjellarleilegheit) skal kvar inngang ha eiga adresse. Sjekk at dette stemmer for huset ditt, og meld tilbake ved eventuelle feil.

Ein adresseparsell er ei gate/veg eller eit område med eiga adresse, t.d. «Rambergsvegen» eller «Børtveit».

Spesielle forhold


I tilfelle fortetting, bruksendringar eller endringar av vegforhold kan omadressering verte iverksett.

Som huseigar er du pålagt å informere om adressevedtaket og innhaldet i dette brevet til leigetakarar og andre som held til på adressa.

Nummerskilt

Ifylgje matrikkelforskrifta §57 er eigar, festar og tiltakshavar ansvarleg for at den enkelte bygning eller eigedom vert merka med adressenummeret.

Husnummeret er viktig for at kjente og ukjente raskt finn fram til eigedomen, t.d. ved utrykkingar. Skilta må difor vere utforma og plassert slik at dei er lette å finne og lette å lese, også når det er mørkt. **Av den grunn krev me at huseigar går til innkjøp av standard husnummerskilt slik som beskrive i Statens Kartverk sin «[adresseveileder](#)»:**



Frist for å setje opp skilt er 6 veker etter ein har motteke dette brevet.

Skiltstorleiken kan variere noko frå leverandør til leverandør. Skiltet må også vere synleg frå næraste fellesveg. Ei vanlig plassering er difor ved sida av inngangsdøra eller på hushjørnet.

Dersom husnummer montert på hus eller hytte ikkje er synleg frå fellesveg, og eigedomen grensar til fellesveg, er det eigar/festar og tiltakshavar sitt ansvar å skilte med nummertilvising ved fellesveg. For skiltreglar sjå Osterøy kommune si adresseforskrift av 02.10.13, §7-3.

Vegnamnskilt er kommunen sitt ansvar på kommunale vegar, og Statens Vegvesen sitt ansvar på fylkes- og europavegar. Det vil også bli sett opp nummertilvisingsskilt til eigedomar som ikkje er synlege frå og ikkje grensar til fellesveg. Dette arbeidet skal utførast i same tidsrom som enkeltvedtak vert sendt ut til alle innbyggjarane som får ny adresse. Er skilt misvisande, vert fjerna eller skadd – ta kontakt med kommunen!

Tildeling av vegnamn og husnummer

Osterøy kommune sin namnekomité har diskutert og valt namn på grunnlag av lokale stadnamn eller lokal kulturell tilknytning. Vegnamn skal vere eintydige, og vi har hatt ein ambisjon om å velje vegnamn som ikkje er brukt i nabokommunane. Skrivemåten på alle namn er regulert i eiga lov om stadnamn.

Høyring om val av vegnamn vart gjennomført frå 06.03.2015 til 10.04.2015. Vedtak vart gjort i Komité for oppvekst, kultur og idrett (KOIK) 20.05.2015 og i Heradstyret 09.12.2015.

Nummerering er ei administrativ oppgåve. Hovudprinsippet er at ei adresseeining skal adresserast til den vegen den har hovudtilkomst frå. Adresseeiningar på høgre side av vegen sett frå vegen sitt startpunkt – får ulike nummer, mens einingar på venstre side får like nummer. I tilfelle med stikkvegar, vil alle adresseeiningar langs stikkvegen få nummer etter kva for ei side den går ut frå overordna veg.

I område med spreidd busetnad nyttar ein avstandsprinsippet. Her vert nummertildelinga rekna ut frå startpunktet til vegen rekna i 10-meter, f.eks. ei adresseeining som ligg 430 m frå der vegen startar, gjev nr. 43, evt. 42 eller 44.

Gardsbruk med gardsnamn som opphavleg er eit stadnamn som munnleg eller skriftleg er overlevert frå tidlegare generasjonar, og som er i bruk i dag, kan krevje at stadnamnet vert brukt som ein del av den offisielle adressa, som adressedilleggsnamn. Jfr. Matrikkelsforskriften §54 og Kartverket sin adresseveileder kap. 6.7.

Klageadgang og kontakt

Vedtak om vegnamn er endeleg og kan ikkje påklagast. Innan tre veker etter at dette vedtaket er motteke kan det derimot klagast på:

- Kva for ein adresseparsell bygningen/eigedomen er adressert til
- Feil tildelt adressenummer eller bustadnummer
- Feil i sakshandsaminga

Likar du ikkje den nye adressa gjev ikkje det grunnlag for klage (sjå førre avsnitt).

Ein eventuell klage skal vere skriftleg, stilast til Fylkesmannen i Hordaland og sendast til Osterøy kommune. Kommunen kan gje medhald i klagen.

Samandrag – dette må du gjera:

- *Sjekk om eigedomen er adressert til rett veg og tilkomst!*
- *Kjøp og set opp husnummerskilt etter malen beskrive i brevet! Set husnr. på postkassa di!*
- *Er ikkje husnr. synleg frå nærmaste fellesveg? Grensar eigedomen din til vegen må du kjøpe og setje opp tilvisingsskilt sjølv.*

Kart og vedlegg

Vedlagt finn du kart over adresseparsellen din. Meir informasjon om lovverk og liknande finn du på kommunen si heimeside www.osteroy.kommune.no.

Med helsing

Mette Lillejord Mjelde
teknisk teiknar

Brevet er godkjent elektronisk og har derfor inga underskrift.

Vedlegg:

4 147 Adresse